

## FYLGISEÐILL: UPPLÝSINGAR FYRIR NOTANDA LYFSINS

### Paclitaxel Actavis 6 mg/ml innrennsliþykkni, lausn

Paklítaxel

#### Lesið allan fylgiseðilinn vandlega áður en byrjað er að nota lyfið.

- Geymið fylgiseðilinn. Nauðsynlegt getur verið að lesa hann síðar.
- Leitið til læknisins ef þörf er á frekari upplýsingum um lyfið.
- Þessu lyfi hefur verið ávísað til persónulegra nota. Ekki má gefa það öðrum. Það getur valdið þeim skaða, jafnvel þótt um sömu sjúkdómseinkenni sé að ræða.
- Látið lækninn vita ef vart verður við aukaverkanir sem ekki er minnst á í þessum fylgiseðli eða ef aukaverkanir sem taldar eru upp reynast alvarlegar.

#### Í fylgiseðlinum:

1. Upplýsingar um Paclitaxel Actavis og við hverju það er notað
2. Áður en byrjað er að nota Paclitaxel Actavis
3. Hvernig nota á Paclitaxel Actavis
4. Hugsanlegar aukaverkanir
5. Hvernig geyma á Paclitaxel Actavis
6. Aðrar upplýsingar

*Paclitaxel Actavis innrennsliþykkni, lausn er eingöngu gefið af lækni eða hjúkrunarfræðingi. Þeir geta svarað spurningum sem kunna að vakna eftir lestur þessa fylgiseðils.*

### 1. UPPLÝSINGAR UM PACLITAXEL ACTAVIS OG VIÐ HVERJU ÞAÐ ER NOTAÐ

Þetta lyf er notað til meðhöndlunar á krabbameini. Það getur verið krabbamein í eggjastokkum eða brjóstum (langt gengið eða útbreitt krabbamein í eggjastokkum, langt gengið eða útbreitt brjóstakrabbamein). Þetta lyf má einnig nota við sérstöku krabbameini í lungum (Langt gengið lungnakrabbamein sem ekki er af smáfrumugerð, NSCLC) sjúklinga sem ekki er hægt að meðhöndla með skurðaðgerð og/eða geislameðferð. Paklítaxel má einnig nota við sérstöku krabbameini sem kallast Kaposis sarkmein sem getur verið í tengslum við alnæmi (AIDS af völdum HIV) þar sem önnur meðferð, t.d. með lípósómal antracyklínnum hefur ekki borið árangur. Paklítaxel verkar með því að stöðva frumuskiptingu og er notað til að fyrirbyggja vöxt krabbameinsfrumna.

### 2. ÁÐUR EN BYRJAÐ ER AÐ NOTA PACLITAXEL ACTAVIS

#### Ekki má nota Paclitaxel Actavis

- ef þú ert með ofnæmi fyrir paklítaxeli eða einhverju öðru innihaldsefnanna. Eitt innihaldsefnanna, makrógólglýceról ricínóleat, getur valdið alvarlegum ofnæmisviðbrögðum.
- ef þú ert barnshafandi eða með barn á brjósti.
- ef fjöldi hvíttra blóðkorna (daufkyrninga) er of lítill. Læknir eða hjúkrunarfræðingur mun mæla það.
- handa sjúklingum með Kaposis-sarkmein sem eru með alvarlega ómeðhöndlaða sýkingu.

Ekki má gefa börnum og unglingum yngri en 18 ára paklítaxel.

Leitið til læknisins eða lyfjafræðings ef þörf er á frekari upplýsingum um lyfið.

### **Gæta skal sérstakrar varúðar við notkun Paclitaxel Actavis**

- ef þú ert með hjarta- eða lifrarsjúkdóm.
- ef þú færð niðurgang á meðan meðferð með paklítaxeli stendur yfir eða skömmu eftir hana (sýndarhimnuristilbólga).
- ef þú ert með Kaposis-sarkmein og það koma fram miklar bólgur í slímhimnum (slímhimnur við líkamsop).
- ef þú hefur átt við taugavandamál að stríða í höndum og fótum, svo sem doða, náladofa eða brunatilfinningu (útlægur taugakvilli).
- ef þú ert með blóðkvilla, svo sem breytingar á fjölda tiltekinna blóðfrumna.
- ef þú færð Paclitaxel Actavis samhliða geislameðferð á lunga.

### **Meðganga og brjóstgjöf**

#### **Meðganga**

- **Ekki má nota Paclitaxel Actavis** ef þú heldur að þú sért þunguð eða þú ert að reyna að verða þunguð. **Paklítaxel getur skaðað ófætt barnið.**
- Forðast ætti þungun og báðir aðilar ættu að nota örugga getnaðarvörn á meðan á meðferð með Paclitaxel Actavis stendur og í a.m.k. 6 mánuði eftir meðferð.  
**Láttu lækinn tafarlaust vita** ef þú verður þunguð.

#### **Brjóstgjöf**

- Ekki ætti að nota Paclitaxel Actavis á meðan á brjóstgjöf stendur. Hætta ætti brjóstgjöf á meðan meðferð með Paclitaxel Actavis stendur yfir. Ekki ætti að hefja brjóstgjöf aftur fyrr en læknirinn segir að það sé í lagi.

Leitið ráða hjá læknum eða lyfjafræðingi áður en lyf eru notuð.

#### **Taka annarra lyfja**

Látið lækinn eða lyfjafræðing vita um önnur lyf sem eru notuð eða hafa nýlega verið notuð, einnig þau sem fengin eru án lyfseðils.

Gefa á Paclitaxel Actavis á undan cisplatíni þegar þessi lyf eru notuð saman. Gefa ætti Paclitaxel Actavis 24 klukkustundum, á eftir doxórúbícíni.

Gæta ætti sérstakrar varúðar ef tekin eru lyf sem hafa áhrif á umbrot paklítaxels, svo sem: erýtrómýcín, flúoxetín, gemfíbrózíl, rifampicín, karbamazepín, fenýtóín, fenóbarbítal, efavírenz og nevirapín og hjá sjúklingum með alnæmi sem fá samhliða meðferð með próteasahemlum (rítonavír, nelfínavír).

#### **Akstur og notkun véla**

Það er engin ástæða til þess að hætta að keyra bíl á milli meðferða með Paclitaxel Actavis en það má ekki gleyma því að lyfið inniheldur alkóhól og það gæti verið óráðlegt að aka eða nota vélar strax eftir meðferð. Eins og alltaf á við þá ætti ekki að aka eða nota vélar ef vart verður við svima eða sundl.

#### **Mikilvægar upplýsingar um tiltekin innihaldsefni Paclitaxel Actavis**

Paklítaxel inniheldur:

- Alkóhól (etanól) u.þ.b. 50% af rúmmáli, þ.e. allt að 20 g í skammtinum. Fyrir hvern skammt samsvarar þetta hálfum lítra af bjór eða stóru léttvínsglasi (210 ml). Þetta magn getur verið hættulegt áfengissjúklingum og sjúklingum í mikilli áhættu, þ.á m. þeim sem eiga við lifrarsjúkdóma eða flogaveiki að stríða. Alkóhólmagnið í þessu lyfi getur breytt áhrifum annarra lyfja.
- Makrógólglyceról ricínóleat, en það getur valdið alvarlegum ofnæmisviðbrögðum.

### 3. HVERNIG NOTA Á PACLITAXEL ACTAVIS

- Læknirinn ákveður hversu mikið þér verður gefið af Paclitaxel Actavis. Það er gefið undir eftirliti læknis sem getur veitt þér frekari upplýsingar. Skammturinn fer eftir gerð og umfangi krabbameinsins og líkamsyfirborði í fermetrum (m<sup>2</sup>), reiknað út frá hæð og þyngd. Skammturinn sem gefinn er fer einnig eftir niðurstöðum úr blóðrannsóknum.
- Þynna þarf paklítaxellausnina áður en hún er gefin.
- Paclitaxel Actavis er gefið með innrennsli í bláæð (dreypi) á 3 klukkustundum. Meðferðin er venjulega endurtekin á þriggja vikna fresti. Meðferð á alnæmistengdu Kaposis-sarkmeini er endurtekin aðra hverja viku.
- Það fer eftir gerð og alvarleika krabbameinsins hvort Paclitaxel Actavis er gefið eitt og sér eða með öðrum krabbameinslyfjum.
- Í hvert sinn sem Paclitaxel Actavis er gefið eru einnig gefin önnur lyf (forlyf), svo sem dexametasón, dífenhýdramín og címetidín eða ranitidín. Það er nauðsynlegt til að minnka hættuna á alvarlegum ofnæmisviðbrögðum (sjá kafla 4. „Hugsanlegar aukaverkanir“, „sjaldgæfar“).

**Ekki má gefa börnum og unglingum yngri en 18 ára paklítaxel.**

#### **Ef stærri skammtur af Paclitaxel Actavis en mælt er fyrir um er notaður**

Læknarnir sjá um að reikna skammtinn nákvæmlega út þannig að ofskömmun er ólíkleg.

Ef of stór skammtur er samt sem áður gefinn þá er líklegt að það valdi því að venjulegu aukaverkanirnar verði verri, sérstaklega blóðsjúkdómar, doði/náladofi, aðallega í höndum, fótum eða fótleggjum og óþægindi í maga, þ.á m. uppköst og niðurgangur.

### 4. HUGSANLEGAR AUKAVERKANIR

Eins og við á um öll lyf getur Paclitaxel Actavis valdið aukaverkunum en það gerist þó ekki hjá öllum. Eftirfarandi aukaverkanir geta komið fram eftir meðferð með Paclitaxel Actavis innrennsli.

**Algengustu aukaverkanirnar eru hárlós og fækkun blóðfrumna. Hárið vex aftur og blóðkornatalning verður aftur eðlileg eftir að paklítaxelmeðferðinni lýkur.**

#### **Ef eitthvað af eftirfarandi kemur fram skaltu láta lækninn vita tafarlaust:**

- Óeðlilegt mar, blæðing eða einkenni sýkingar, svo sem særindi í hálsi og hár hiti.
- Alvarleg ofnæmisviðbrögð – hugsanlega skyndileg útbrot með kláða, þroti á höndum, fótum, ökklum, vörum, í andliti, munni eða hálsi (sem getur orsakað erfiðleika við að kyngja eða anda) og getur valdið yfirlidstílfíningu.
- Öndunarerfiðleikar og þurr hósti vegna skemmda í lungum.
- Áhrif á stungustað, t.d. staðbundinn þroti, verkur eða roði.

#### **Mjög algengar (koma fram hjá fleiri en 1 af hverjum 10 einstaklingum):**

- Áhrif á beinmerg sem geta valdið fækkun á sumum gerðum blóðkorna. Þetta getur valdið blóðleysi. Þetta getur líka leitt til sýkinga, aðallega í þvagrás og efri hluta öndunarvegjar (tilkynnt hefur verið um dauðsföll af þessum völdum).
- Fækkun blóðflagna og blæðing.
- Vægari ofnæmisviðbrögð, svo sem roði og útbrot.
- Taugavandamál í höndum og/eða fótum (útlægur taugakvilli) sem getur valdið náladofa, doða og/eða verkjum.
- Lágur blóðþrýstingur.
- Ógleði, uppköst og niðurgangur.
- Hárlós.
- Verkir í vöðvum eða liðum.
- Bólga á stöðum eins og slímhúð í munni.

**Algengar (koma fram hjá fleiri en 1 af hverjum 100 einstaklingum):**

- Hægur hjartsláttur (púls).
- Smávægilegar breytingar á nöglum og húð sem hverfa fljótt.
- Þroti og bólga með verk þar sem inndælingin er gefin og getur valdið því að vefurinn harðnar (í stöku tilfellum bólga í húðbeði, þykkun og örmyndun í húð (bandvefsmyndun) eða drep í húðfrumum (húðdrep)).
- Breytingar á blóðprófum sem mæla starfsemi lifrarinnar.

**Sjaldgæfar (koma fram hjá færri en 1 af hverjum 100 einstaklingum):**

- Lost af völdum blóðeitrunar.
- Alvarleg ofnæmisviðbrögð með t.d. lækkuðum eða hækkðuðum blóðþrýstingi, þrota í andliti, erfiðleikum við öndun, húðútbrotum, kuldahrolli, bakverk, brjóstverk, hröðum hjartslætti, kviðverk, verk í handleggjum og fótleggjum, svitnun.
- Alvarleg hjartavandamál eins og rýrnun í hjartavöðva (hjartavöðvakvilli), alvarlegar breytingar á hjartslætti, jafnvel með yfirlíði. Hjartaáfall.
- Hækkaður blóðþrýstingur.
- Blóðtappar (segamyndun), bólga í bláæð í tengslum við blóðtappa.
- Gulleit húð (gula).

**Mjög sjaldgæfar (koma fram hjá færri en 1 af hverjum 1.000 einstaklingum):**

- Lungnabólga.
- Fækkun á vissri tegund hvíttra blóðkorna ásamt hita (daufkyrningafæð með hita).
- Alvarleg ofnæmisviðbrögð (bráðaofnæmi).
- Áhrif á taugar sem geta valdið máttleysi í handleggjum og fótleggjum.
- Erfiðleikar við öndun, vökvi í lungum, bólga í lungum og önnur lungnavandamál (bandvefsmyndun í lungum, lungnablóðrek) áberandi skert lungnastarfsemi (öndunarstopp).
- Kláði, útbrot og roði í húð.
- Þróttleysi, hár hiti (sótthiti), ofþornun, bjúgur, lasleiki.
- Blóðeitrun.
- Stífla í görnum, gatamyndun í vegg smágirnis eða digurgirnis, bólga í slímhúð kviðar (lífhimnu), bólga í görnum vegna ófullnægjandi blóðflæðis, bólga í brisi.
- Aukning á efninu kreatínín í blóðinu.

**Örsjaldan koma fyrir (færri en 1 af hverjum 10.000 þeirra sem nota lyfið):**

- Brátt hvítblæði (tegund blóðkrabbameins), mergmisþroski (samansafn ýmissa blóðkornasjúkdóma).
- Lífshættuleg ofnæmisviðbrögð (bráðaofnæmislost).
- Lystarleysi, lost vegna lækkaðs blóðþrýstings, hósti.
- Áhrif á taugakerfið sem geta valdið lömum í þörmum (görnum) og lækun á blóðþrýstingi þegar staðið er upp eða sest upp úr liggjandi stöðu, flog, krampar, rugl, svimi, breytingar á heilanum eða starfsemi hans, höfuðverkur, truflanir á hreyfistjórnun vöðva.
- Sjónvandamál og sjóntruflanir, venjulega hjá sjúklingum sem fá stærri skammta.
- Versnun á heyrn eða heyrnarleysi, eyrnasuð, svimi.
- Óeðlilegur hjartsláttur (gáttatif, ofanslegilshraðtaktur).
- Blóðtappi í garnahengisslagæð (mesenteric artery), sýndarhimmuristilbólga (sýking í ristli af völdum ákveðinnar bakteríu), bólga í vélinda, harðlífi. Vökvauppsöfnun í kvið.
- Slæm bólga í digurgirni sem lýsir sér með hita, vatnskenndum eða blóðugum niðurgangi og krampakenndum kviðverkjum (ristilbólga).
- Drep í lifrarfrumum (lifrardrep), rugl og önnur áhrif (gallheilakvilli) vegna breytinga á starfsemi lifrarinnar (banvæn áhrif hafa verið tilkynnt vegna beggja).
- Ofsakláði, hreistrun og flögnun á húð, venjulega með roða.
- Slæm útþot með bólgu í húð og slímhúð (allt frá regnbogaroða upp í Stevens-Johnson heilkenni til þess alvarlegasta, sem er drep í húðþekju (toxic epidermal necrolysis)).
- Visnun nagla. Verja ætti hendur og fætur fyrir sólskini á meðan meðferð stendur yfir.

Látið lækninn eða lyfjafræðing vita ef vart verður við aukaverkanir sem ekki er minnst á í þessum fylgiseðli eða ef aukaverkanir sem taldar eru upp reynast alvarlegar.

## 5. HVERNIG GEYMA Á PACLITAXEL ACTAVIS

Geymið þar sem börn hvorki ná til né sjá.

Geymið hettuglasið í ytri umbúðum til varnar gegn ljósi.

Ekki skal nota Paclitaxel Actavis eftir fyrningardagsetningu sem tilgreind er á öskjunni á eftir EXP.

Fyrningardagsetning er síðasti dagur mánaðarins sem þar kemur fram.

Ekki má fleygja lyfjum í skólplagnir eða heimilissorp. Leitið ráða hjá lyfjafræðingi um hvernig heppilegast er að losna við lyf sem ekki þarf að nota lengur. Þetta er gert til þess að vernda umhverfið.

## 6. AÐRAR UPPLÝSINGAR

### Hvað inniheldur Paclitaxel Actavis

- Virka innihaldsefnið er paklítaxel.
- 1 ml af innrennslisþykkni, lausn inniheldur 6 mg af paklítaxeli.
- Önnur innihaldsefni eru vatnsfrí sítrónusýra, makrógólglyceról ricínóleat og vatnsfrítt etanól.

### Útlit Paclitaxel Actavis og pakkningastærðir

Paclitaxel Actavis 6 mg/ml innrennslisþykkni, lausn er tær, litlaus eða fölgul, örllítið seigfljótandi lausn og henni er pakkað í hettuglös úr gleri.

#### *Pakkningastærðir:*

- 1 x 5 ml hettuglas (30 mg/5 ml)
- 1 x 16,7 ml hettuglas (100 mg/16,7 ml)
- 1 x 25 ml hettuglas (150 mg/25 ml)
- 1 x 50 ml hettuglas (300 mg/50 ml)

Ekki er víst að allar pakkningastærðir séu markaðssettar.

### Markaðsleyfishafi

Actavis Group PTC ehf.  
Reykjavíkurvegi 76-78  
220 Hafnarfjörður  
Ísland

### Framleiðandi

S.C. Sindan Pharma S.R.L.  
11 Ion Mihalache Blvd  
011171 Bucharest  
Rúmenía

eða

Actavis Italy S.p.A. – Nerviano Plant  
Viale Pasteur 10  
20014 Nerviano (MI)  
Ítalía

**Þessi fylgiseðill var síðast samþykktur 27. október 2010.**

Ítarlegar upplýsingar um þetta lyf eru birtar á <http://www.serlyfjaskra.is>

Eftirfarandi upplýsingar eru einungis ætlaðar heilbrigðisstarfsfólki:

## Notkunarleiðbeiningar

### FRUMUHEMJANDI LYF

#### *Meðhöndlun Paclitaxel Actavis*

Eins og á við um öll frumuhemjandi lyf skal gæta varúðar við meðhöndlun Paclitaxel Actavis. Þynning ætti að fara fram við smitgát af sérþjálfuðu starfsfólki á þar til gerðu svæði. Gera ætti viðeigandi ráðstafanir til að forðast snertingu við húð og slímhúð. Komið hefur fram náladofi, sviði og roðaprot eftir snertingu við yfirborð húðar. Greint hefur verið frá andþrengslum, brjóstverk, sviða í hálsi og ógleði eftir innöndun.

Leiðbeiningar um varúðarráðstafanir við undirbúning á Paclitaxel Actavis innrennslislausn.

1. Nota ætti öryggisskáp og klæðast hlífðarhönskum auk hlífðarslopps. Ef enginn öryggisskápur er fyrir hendi ætti að nota andlitsgrímu og hlífðargleraugu.
2. Opin ílát, svo sem hettuglös með stungulyfi og innrennslisflöskur; notaðar nálar, sprautur, holleggi, slöngur og leifar af frumuhemjandi lyfjum, ætti að flokka sem hættuleg úrgangsefni og eyða í samræmi við gildandi reglur um förgun HÆTTULEGRA ÚRGANGSEFNA.
3. Fylgja skal eftirfarandi leiðbeiningum ef lyfið hellist niður:
  - klæðast hlífðarfatnaði
  - safna skal saman glerbrotum og setja í ílát fyrir HÆTTULEG ÚRGANGSEFNI
  - skola mengaða fleti vandlega með nægu köldu vatni
  - þurrka vandlega alla skolaða fleti og farga klútunum sem notaðir eru til afþurrkunar með HÆTTULEGUM ÚRGANGI
4. Ef Paclitaxel Actavis kemst í snertingu við húð ætti að skola svæðið með nægu rennandi vatni og síðan þvo það með sápu og vatni. Ef það kemst í snertingu við slímhúð ætti að þvo svæðið vandlega með vatni. Ef þú finnur fyrir einhverjum óþægindum skaltu hafa samband við lækni.
5. Ef Paclitaxel Actavis kemst í snertingu við augu á að þvo þau vandlega með nægu köldu vatni. Hafðu þegar í stað samband við augnlækni.

#### *Undirbúningur á innrennslislausn:*

Ekki skal nota „Chemo-dispensing Pin“ eða svipuð áhöld með lokuðu kerfi til að draga skammta úr hettuglasinu þar sem þau geta eyðilagt tappa hettuglassins og sæfing er því ekki lengur tryggð.

Undirbúningur, geymsla og gjöf ætti að fara fram með búnaði sem ekki inniheldur PVC (sjá kaflann „Ósamrýmanleiki“ hér á eftir).

Fyrir innrennslið þarf að þynna Paclitaxel Actavis 6 mg/ml innrennslisþykkni, lausn við smitgát. Nota má eftirfarandi innrennslislausnir til þynningar: 0,9% natríumklóríð innrennslislausn eða 5% glúkósa innrennslislausn eða 5% glúkósa- og 0,9% natríumklóríð innrennslislausn eða 5% glúkósa í Ringer innrennslislausn, þannig að endanlegur styrkleiki verði 0,3 til 1,2 mg/ml.

Örsjaldan hefur verið greint frá því að útfellingar verði meðan á paklítaxelinnrennsli stendur, venjulega undir lok 24 klukkustunda innrennslis. Þó að orsök þessara útfellinga hafi ekki verið skýrð þá er líklegt að hún tengist yfirmettun þynntrar lausnarinnar. Til að draga úr hættunni á útfellingu ætti að nota paklítaxel eins fljótt og mögulegt er eftir þynningu og forðast óþarfa titring eða hristing. Eftir undirbúning lausnarinnar gæti hún verið skýjuð en það er rakið til burðarefnisins og hverfur ekki með síun. Til að draga úr hættunni á útfellingum ætti að nota þynnt Paclitaxel Actavis innrennsli eins fljótt og mögulegt er eftir þynningu.

### *Innrennslisaðferð*

Gefa ætti Paclitaxel Actavis innrennslislausn með innrennsli í bláæð.

Gefa ætti Paclitaxel Actavis gegnum himnusíu í innrennslisslöngunni með  $\leq 0,22 \mu\text{m}$  gatastærð. (Engin marktæk minnkun á virkni kom fram þegar líkt var eftir gjöf á lausninni um innrennslisslöngu með síu (IV tubing containing in-line filter).

Skola ætti innrennslisbúnaðinn vandlega fyrir notkun. Á meðan á innrennsli stendur ætti að athuga útlit lausnarinnar með reglulegu millibili og stöðva innrennslið ef vart verður við útfellingu.

### *Stöðugleiki og geymsluskilyrði*

Geymið hettuglasið í upprunalegum umbúðum til varnar gegn ljósi. Ef það er geymt í kæli getur myndast útfelling sem leysist upp aftur þegar það nær stofuhita og e.t.v. hrist svolítið upp í því.

Það hefur ekki áhrif á gæði lyfsins. Ef lausnin er áfram skýjuð, eða vart verður við útfellingu sem ekki leysist upp, ætti að henda hettuglasinu. Fyrningardagsetning kemur fram á ytri umbúðum lyfsins og miða á hettuglasi. Ekki á að nota það eftir þessa dagsetningu.

Eftir opnun: Frá örverufræðilegu sjónarmiði er hámarksgeymslutími fyrir lyfið 28 dagar við 25°C eftir að umbúðir hafa verið rofnar. Annar geymslutími og geymsluskilyrði við notkun er á ábyrgð notanda.

Sýnt hefur verið fram á efna- og eðlisfræðilegan stöðugleika á lausn tilbúinni til innrennslis við 5°C og 25°C í 7 daga þegar þynnt er með 5% glúkósalausn og 5% glúkósa í Ringer innrennslislausn og í 14 daga þegar það er þynnt í 0,9% natríumklóríði. Frá örverufræðilegu sjónarmiði ætti að nota lyfið tafarlaust. Sé lausnin ekki notuð tafarlaust eftir þynningu er geymslutími og geymsluskilyrði fyrir notkun á ábyrgð notanda og ætti yfirleitt ekki að vera lengri en 24 klukkustundir við 2-8°C, nema þynning fari fram við stýrðar og gildaðar aðstæður við smitgát.

Eftir þynningu er lausnin einnota.

### *Ósamrýmanleiki*

Til að útsetning sjúklings gagnvart DEHP (dí-2-etylhexýlþalat) mýkiefni, sem getur borist úr mýktum PVC innrennslispokum, búnaði eða öðrum lækningatækjum, verði sem minnst ætti að geyma þynnta paklítaxellausn í flöskum sem innihalda ekki PVC (gler, pólýprópýlen) eða plastpokum (pólýprópýlen, pólýólefín) og nota pólýetenfóðraðan búnað við gjöf. Notkun á síunarbúnaði (t.d. IVEX-2) með stuttar innrennslis- og/eða útrennslisslöngur úr PVC hefur ekki valdið marktækri losun á DEHP.

### *Förgun*

Öllu efni sem notað hefur verið til undirbúnings, lyfjagjafar eða hefur á annan hátt komist í snertingu við paklítaxel verður að eyða í samræmi við gildandi reglur um förgun frumudrepandi lyfja.